




توت توت

توت توت
توت توت
وعلقة تفوت
ولا حد يموت
خداك عبطة
علي كام خبطة
بس اذارى
م الشلوت
توت توت
توت توت
اكتم نفسك
واكتم سرّك
حتي الآاه خليها

في سرك
واياك تفهم ولا تفكر
ده أنت يا شاطر
كان غيرك أشطّر
وطلعت نزلت
هايف هلفوت
توت توت
توت توت
علي الشجرة طلّعنا
وكلنا التوت
وعم شفيق
لما سمعنا فين يوجعنا
و اه يا دماغنا

و لما وقعنا
زي النملة و البرغوت
وتوت توت
توت توت
والله يا مصر
بجبك موت
وهقول وهعيد
وبأعلي صوت
والله يا مصر
بجبك موت
وكل ما أعاني
هقوم من تاني
يا إما تعيشى .. يا إما أموت